



Broj: 02/06-04-024320-5/25

Datum: 10.10.2025. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14, 59/22 i 50/24), Sekretar Ureda za zajedničke poslove kantonalnih organa, donosi:

ODLUKU o izboru najpovoljnijeg ponuđača

Član 1.

Prihvata se Preporuka Komisije za javnu nabavku iz Zapisnika o ocjeni ponuda broj: 02/06-04-024320-4/25 od 08.10.2025. godine u postupku javne nabavke – nabavka i isporuka tonera, tinti, drumova i filmova za potrebe kantonalnih organa uprave, samostalnih uprava, samostalnih upravnih organizacija, specijalizirane organizacije, upravnih organizacija u sastavu ministarstava, reguliranog tijela, posebnog organa, javnih ustanova kulture, pravosudnih organa i osnovnih i srednjih škola na području Tuzlanskog kantona čiji je osnivač Skupština Kantona te se kao najpovoljniji ponuđač bira „R&S“ d.o.o. Sarajevo, ponuda broj: 29381/25 od 06.10.2025 godine za ponudenu cijenu **561.038,02 KM** (bez PDV-a).

Član 2.

Ponuda ponuđača Ekoprint d.o.o. Banja Luka se odbacuje, jer nije potpuna i ne ispunjava zahtjeve iz tačke 14.2 l) i tačke 27 te zahtjeva iz Anexa III tenderske dokumentacije za predmetnu nabavku, u smislu odredbe člana 68. stav (4) tačka b) i tačka i) Zakona o javnim nabavkama BiH („Sl. glasnik BiH“ broj: 39/14, 59/22 i 50/24“).

Član 3.

Ukoliko se ispune svi uslovi propisani Zakonom o javnim nabavkama BiH, okvirni sporazum će se dostaviti na potpis izabranom ponuđaču po proteku roka od 15 dana, računajući od dana prijema odluke ugovornog organa o izboru najpovoljnijeg ponuđača. Okvirni sporazum se zaključuje na period od 24 mjeseca.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-024320/25 od 22.08.2025. godine.

Javna nabavka je provedena putem otvorenog postupka. Izbor ponuđača izvršen je na osnovu kriterija ekonomski najpovoljnije ponude (podkriteriji: ukupna cijena ponude - max 95%; rok isporuke – max 5%).

Procijenjena vrijednost javne nabavke iznosila je 1.104.665,98 KM (bez PDV-a). Obavještenje o nabavci broj: 1116-1-1-32-3-43/25 objavljeno je na Portalu javnih nabavki 22.08.2025. godine.

Komisija za javnu nabavku imenovana Rješenjem o imenovanju Komisije za provođenje postupaka centralizovanih javnih nabavki broj: 02/06-30-32790/25 od 17.09.2025. godine izvršila je otvaranje ponuda dana 07.10.2025. godine i sačinila Zapisnik o otvaranju ponuda br. 02/06-04-024320-3/25. Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 02/06-04-024320-4/25 od 08.10.2025. godine, koji je ujedno preporuka o izboru i izvještaj o radu Komisije, u postupku predmetne javne nabavke.

Iz Zapisnika je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri);
- da je blagovremeno zaprimljeno 4 (četiri) ponuda;
- da nema neblagovremeno zaprimljenih ponuda;
- da su ponude ponuđača: ALF-OM d.o.o. Banja Luka, KMC d.o.o. Banja Luka i R&S d.o.o. Sarajevo prihvatljive i ispunjavaju sve uslove i zahtjeve iz tenderske dokumentacije, dok ponuda ponuđača Ekoprint d.o.o. Banja Luka to nije iz razloga navedenih u Zapisniku o ocjeni ponuda broj: 02/06-04-024320-4/25 od 08.10.2025. godine a koji glase:

„Garancija za ozbiljnost ponude koja je tražena tačkom 14.2 I), te u tački 27. tenderske dokumentacije nije dostavljena u ponudi ponuđača;

Anexom III tenderske dokumentacije ispod roka isporuke u okviru napomene je propisano da „Ponudač je za stavke 113, 114, 190 i 191 dužan isporučivati nove navedene tonere u originalnim pakovanjima proizvedeni od proizvođača opreme a ne reciklirani ili punjeni na način da je kasetna iskorištenog tonera ponovo napunjena tintom. Ugovorni organ će, u slučaju sumnje u kvalitet prilikom isporuke tonera, izvršiti ispitivanje jednog ili više isporučenih tonera, radi provjere njegovih tehničkih karakteristika definisanih tehničkim listom proizvođača (broj ispisa, pokrivenost i dr.). Ispitivanje će se izvršiti kod ovlaštene kuće u BiH.

Ponudač je za stavke 113, 114, 190 i 191 dužan dostaviti posebnu izjavu kojom dokazuje da je ponuđeni proizvod pogodan za upotrebu u navedenom uređaju, odnosno da korištenje ponuđenog proizvoda ne mijenja bitne uslove uređaja, odnosno da u garantnom roku, kao i izvan njega, upotreba ponuđenog tonera ne utiče na pravilan rad uređaja i kvalitet ispisa, te kako neće prouzrokovati kvar uređaja ili uništenje istog, kao i da ispis odgovara deklarisanom broju ispisa.“ Navedena izjava nije dostavljena u ponudi ponuđača kako je to zahtijevano uslovom tenderske dokumentacije.

Iz navedenih razloga ponuda je odbačena u skladu sa članom 68. stav(4) tačka b), tačka i) ZJN jer nije potpuna i ne ispunjava zahtjeve iz tenderske dokumentacije.“

Nakon primjene predviđenih kriterija za vrednovanje ponuda načinjena je sljedeća rang lista ponuđača:

Redni broj	Naziv ponuđača	Bodovi po osnovu cijene	Bodovi po osnovu roka isporuke	Ukupan broj bodova	Ukupna cijena ponude bez PDV
1	R&S d.o.o. Sarajevo	95,00	5,00	100,00	561.038,02
2	KMC d.o.o. Banja Luka	58,84	5,00	63,84	905.825,29
3	ALF-OM d.o.o. Banja Luka	48,25	1,25	49,50	1.104.520,98

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača R&S d.o.o. Sarajevo, ponuda broj: 29381/2025 od 06.10.2025 godine sa ponudnom cijenom 561.038,02 KM (bez PDV-a) izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ponuda ponuđača R&S d.o.o. Sarajevo je kvalifikovana i ispunjava sve uslove i zahtjeve predviđene tenderskom dokumentacijom, ocijenjena je kao najpovoljnija u skladu sa kriterijima za dodjelu ugovora, te je odlučeno kao u članu I. dispozitiva ove Odluke.

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



SEKRETAR

Zdenka Marijanović
Zdenka Marijanović, dipl. pravnik

Dostaviti

1. R&S d.o.o. Sarajevo
2. KMC d.o.o. Banja Luka
3. ALF-OM d.o.o. Banja Luka
4. Ekoprint d.o.o. Banja Luka
5. a/a